

Inicio di proyecto Centro Historico

Padu del Caribe honra cu su mannan legendario



ORANJESTAD- Un momento historico sin duda algun ayera tardi patras di edificio di Gobierno, ora cu a duna inicio na e proyecto cu construccion di e Centro Historico, y cu cual edificio lo honra e conocido yiu di tera, Padu del Caribe. Un momento emocional tabata ora cu sr. Padu a desvela dos man di oro, ilustrando su propio dedenan cu cual el a composita y produci e himno nacional di pais Aruba, esta "Aruba Dushi

Tera." Minister Presidente Mike Eman a dirigi palabra pa anuncia otro proyecto di Gabinete Eman, cual proyecto lo yuda conserva otro edificio historico manera e edificio di gobernacion. "BoAruba su renobacion no ta cuminsa na Corte y caba na Centro Historico, pero e ta cuminsa di Corte pa cada skina di e pais aki, no tin color, rasa, color ni distincion. Ta un futuro den e Reino aki," Premier Eman a declara. □